




BOSNIA AND HERZEGOVINA
Ministry of Foreign Trade and Economic Relations
Veterinary Office of Bosnia and Herzegovina

Broj: 02-7-27-2080-3/09
Sarajevo, 09.06.2009. godine

Parlamentarna skupština
Bosne i Hercegovine
Predstavnički dom
n/r: Beriz Belkić, Predsjedavajući



PREDMET: Odgovor na poslaničko pitanje
Veza: Vaš akt broj: 01-50-1-15-54/09, od 29.05.2009. godine

Poštovani,

U prilogu vam dostavljamo odgovor na poslaničko pitanje poslanice Azre Alajbegović, od 29.05.2009. godine.

S poštovanjem,



DIREKTOR

Doc. Dr Drago N. Nedić

Dostavljeno:

- Naslovu
- A/A

Prilog (Kao u tekstu)



Broj:

Образак за припрему приједлога одговора на
посланичко питање

Sarajevo,

PRIJEDLOG

Azra Alajbegović, POSLANIK Predstavničkog doma Parlamentarne skupštine Bosne i Hercegovine, na 54. sjednici Predstavničkog doma Parlamentarne skupštine Bosne i Hercegovine održanoj 27.05.2009. godine, postavila je sljedeća poslanička pitanja:

„U kojoj je fazi provođenje vakcinacije životinja protiv bruceloze u Bosni i Hercegovini?“
„Koje je aktivnosti na tom planu proveo Ured za veterinarstvo Bosne i Hercegovine do sada?“
„Koje su aktivnosti planirane u naredna tri mjeseca?“

Na postavljeno pitanje, Vijeće ministara Bosne i Hercegovine je na ___ sjednici održanoj ___ godine, utvrdilo sljedeći

ODGOVOR

Ured za veterinarstvo Odlukom o imenovanju radne grupe za izradu Operativnog programa za suzbijanje bruceloze donesenom 04. februara 2009 godine, počele su aktivnosti kontrole bruceloze malih preživara u Bosni i Hercegovini. Operativni program za kontrolu bruceloze malih preživara u potpunosti je izrađen od strane domaćih eksperata uz konsultacijske preporuke stranih eksperata iz ove oblasti. Operativnim programom je planirana masovna vakcinacija svih malih preživara starosti od tri (3) mjeseca, osim gravidnih životinja. Masovna vakcinacija malih preživara krenula je istodobno u oba BiH entiteta kao i u Distriktu Brčko BiH u mjesecu maju 2009 godine, kako je i planirano. Kompletan projekat veoma je dobro prihvaćen osobito uzimajući u obzir primarni cilj vakcinacije životinja, a to je smanjenje broja oboljelih ljudi kao i stvaranje imune populacije životinja. Operativni program za kontrolu bruceloze malih preživara u Bosni i Hercegovini predviđen je da traje najmanje osam (8) godina, sa krajnjim ciljem dobijanja statusa slobodnog od bruceloze u Bosni i Hercegovini. Iz gore navedenog proizilazi činjenica da je kompletna veterinarska služba maksimalno ozbiljno pristupila datom projektu i da će ispoštovati plan vakcinacije malih preživara predviđen Operativnim programom. Nakon isteka perioda primjene vakcinacije izradiće se Program kontrole statusa malih preživara i uspostaviti način za sticanje i zadržavanje statusa stada slobodnog od bruceloze, opštine slobodne od bruceloze, regije slobodne od bruceloze i konačno države slobodne od bruceloze.

U vezi sa drugim i trećim pitanjem u prilogu 1 vam dostavljamo Izvještaj o provedenim i planiranim aktivnostima Ureda za veterinarstvo Bosne i Hercegovine po pitanju kontrole bruceloze u Bosni i Hercegovini. Dana 11.06.2009 godine u prostorijama Ureda za veterinarstvo održat će se sastanak nadležnih veterinarskih institucija, radne grupe i donatora, u vezi analize do sada provedenih aktivnosti na suzbijanju bruceloze (provedba vakcinacije), te razgovora o daljim aktivnostima na provedbi monitoringa uspješnosti vakcinacije. O ishodu dogovorenog sastanka naknadno ćemo vas obavjestiti.

IZVJEŠTAJ O PROVEDENIM AKTIVNOSTIMA UREDA ZA VETERINARSTVO BOSNE I HERCEGOVINE**INFORMATIVNA KAMPANJA**

- U predviđenom vremenskom periodu izrađena je ukupna projektna dokumentacija za realizaciju informativne kampanje.
- Objavljeni je tenderi za javnu nabavku printanog materijala i izvršen odabir parenera koji će izvršiti realizaciju printanja materijala i distribuciju na teritoriju cijele države.
- Izvršeni su dogovori sa radio i TV kućama za predviđena gostovanja u tim medijima, definisan i usvojen Media plan.
- Održane press konferencije sa predstavnicima medija.
- Postavljena podstruktura web stranice Ureda za veterinarstvo BiH na temu projektnih aktivnosti, uspostavljena struktura engleske govorne verzije.
- Ministarstvima poljoprivrede entiteta i Brčko Distrikta dostavljen printani materijal (obraci, plakati i brošure).
- Postavljeni jambo plakati na 32 (trideset i dvije) lokacije na teritoriji BiH.

VAKINACIJA

- Pripremljena tehnička specifikacija za nabavku vakcine. Obavljen pregovarački postupak za javnu nabavku vakcine i izvršen odabir dobavljača.
- Komisiji za registraciju veterinarskih lijekova pri ministarstvima poljoprivrede entiteta dostavljeni uzorci vakcine na provjeru i registraciju.
- Potpisan ugovor sa dobavljačem seta za vakcinaciju (vakcina i zaštitna oprema).
- Od strane dobavljača isporučena je kompletna količina vakcine i zaštitne opreme i pored problema koji su postojali u startu isporuke (kašnjenja sa isporukom).
- Vakcina je uskladištena na hladnom režimu na Veterinarskom Fakultetu u Sarajevu i Veterinarskom institutu „Dr. Vaso Butozan“ u Banjaluci odakle se po potrebi distribuira veterinarskim organizacijama koje vrše vakcinaciju.
- Izvršena je nabavka prenosnih frižidera koji mogu održati hladni lanac vakcine i dostavljeni ministarstvima poljoprivrede entiteta i Brčko Distrikta.
- U sklopu edukacije veterinarara u organizaciji Ureda za veterinarstvo BiH 15.04.2009. godine na Veterinarskom fakultetu u Sarajevu održan je seminar pod nazivom „ Stanje bruceloze i pristup novoj strategiji suzbijanja bruceloze na teritoriji BiH“ .
- U organizaciji entitetskih ministarstava poljoprivrede održano je 6 (šest) regionalnih sastanaka u sklopu pripreme i edukacije veterinarara za aplikaciju vakcine. Sastanci su održani u: Bijeljina, Foča, Banjaluka, Livno, Zenica i Sarajevo.
- Pripremljena tehnička specifikacija za nabavku ušnih markica. Obavljen pregovarački postupak za javnu nabavku i izvršen odabir dobavljača

- Izvršena je djelomična isporuka ušnih markica i dostavljena ministarstvima poljoprivrede entiteta i Brčko Distrikta.
- Vijeće ministara je 07.05.2009 godine usvojilo „Pravilnik o mjerama kontrole bruceloze malih preživara“ koji je i stupio na snagu danom donošenja.
- Počela vakcinacija i identifikacija vakcinisanih malih preživara (ovce i koze) protiv bruceloze.

OPERATIVNI PROGRAM

- Urađen nacrt Operativnog programa.
- Od strane ministarstava poljoprivrede entiteta i Brčko Distrikta Operativni program usklađen i data saglasnost na operativni program.
- Na prvom „okruglom stolu“ koji se održao u Sarajevu bili su prisutni i švedski eksperti sa *Švedskog univerziteta agrikulture* koji su podržali aktivnosti vezane za izradu Operativnog programa i projekta protiv bruceloze malih preživara u BiH.
- Konsultacije i koordinacijski sastanci vezani za provođenje Operativnog programa održani su u obliku: „okruglih stolova“ uz aktivno učešće svih nadležnih veterinarskih institucija u BiH, konsultacija između Ureda, radne grupe i donatora, kao i sastanaka sa veterinarskom službom BiH.
- Nadzorne implementacijske aktivnosti nad provođenjem Operativnog programa vrši Ured za veterinarstvo BiH zajedno sa radnom grupom kao tehničkom podrškom.

NABAVKA DIJAGNOSTIČKE OPREME

- Pripremljena tehnička specifikacija za nabavku dijagnostikuma.
- Obavljen pregovarački postupak za javnu nabavku dijagnostikuma i izvršen odabir dobavljača.
- Sve planirane aktivnosti su provedene u predviđenim vremenskim rokovima i u skladu sa kondicijama akcionog plana, a prema postavljenim kvalitetama.
- Nabavljeni dijagnostikumi i potpisan ugovor sa dobavljačem.

PLAN AKTIVNOSTI ZA NAREDNI PERIOD

INFORMATIVNA KAMPANJA

- Planirana je produkcija i emitovanje dokumentarne emisije informativno edukativnog karaktera pod nazivom „Operativni program za kontrolu i suzbijanje bruceloze u BiH“ sa tri najavna spota, koja bi se distribuirala na TV i radio programima RTV FBiH i RTRS-a.
- Nadzor nad postavljenim jambo plakatima i obnova oštećenih od strane dobavljača.

VAKCINACIJA

- S obzirom da je vakcinacija počela u oba entiteta, najvažnije aktivnosti vezane za naredni mjesec predstavljaju dodatni edukativni skupovi veterinara i farmera vezano za eventualne nejasnoće u realizaciji projekta. Također se prioritet daje samim planovima distribucije sačinjenih od strane entitetskih ministarstava, kako bi se ispoštovala dinamika isporuke i realna potreba veterinarskih stanica neophodnim materijalom (vakcina, zašt.opreme, obrazaca, ušnih markica, mob. frižidera).
- Nastavak vakcinacije i identifikacije vakcinisanih životinja.
- Izvršiće se uzorkovanje krvi mladih životinja po modelu iz Pravilnika

OPERATIVNI PROGRAM

- Nastavak aktivnosti na planu koordinacije, monitoringa i evaluacije operativnog programa od strane Ureda za veterinarstvo BiH zajedno sa radnom grupom kao tehničkom podrškom.